



**Uunga siunnersuut: Nuummi aamma Ilulissani nunani tamalaani mittarfiit kiisalu Qaqortumi nunap immikkoortuani mittarfiup sananeqarnissaannut, ingerlanneqarnissaannut aningaasalersorneqarnissaannullu sinaakktissatut piumasaqaatit pillugit Inatsisartut inatsisaat nr. xx, xx. xxx 2018-imeersoq.**

(Ineqarnermut Attaveqatigiinnermullu Naalakkersuisoq)

**Siullermeerneqarnera**

Nuummi aamma Ilulissani kiisalu Qaqortumi mittarfiit sananeqarnissaannut, taamatullu ingerlanneqarnissaannut aningaasalersorneqarnissaannullu sinaakktissatut piumasaqaatit pillugit Inatsisartut inatsisissaattut siunnersuummut Naalakkersuisut sinnerlugit Ineqarnermut, Sanaartornermut Attaveqatigiinnermullu Naalakkersuisup saqqummiussaanut tunngatillugu Partii Naleqqamiit ima oqaaseqarfigissavarput.

Inatsisartut inatsisissaattut siunnersuut una Naalakkersuisuusimasut Inatsisartuusimasullu suliaqarsimanerat aaliangersimaneranillu aallaaveqarpoq, qinersisoqarneralu peqqutigalugu unikkalliarluni maannakktut taamatut iluseqarluni nanginneqarluni suliakkiussat killiffiat aallaavigalugu nanginneqarluni.

Inatsisartut ukiakktut 2015-imi ataatsimiinnerminni immikkoortut marluk tassalu immikkoortoq 18 aammalu immikkoortoq 167-imi Inatsisartut saqqummiussimasat toqqammavilersuutigisimasat uagut nutaamik qinigaasugut uunga inatsisissatut siunnersuummut ilanngullugit misissuataarsimavagut aammalu tassunga tunngatillugu pissusissamisoorpoq oqaatigissallugu inatsisissatut siunnersuummut taama annertutigisumik inuiaqatigiinnut sunniuteqartussamut paasiniagassat annertusimaqaat aammalu paasissutissat pissarsiarerusutat suli annertungaatsiarlutik.

Qinereqqammerpugut aatsaallu sulilerluta Inatsisartuni inatsisartut suleriaasaat arlaqartut qinigaarlaat iserfiginiartussaavaat aammalu paasissutissanik pissarsisarneq atuisarnerlu pitsaanerpaaffimminiinnissaa aaliangiinissanut toqqammaviusussat Naalakkersuisut sapinngisartik naapertorlugu ingerlakkaluaaraat isumaqarpunga aaliangigassaq ima annertugitigisoq aammalu inuiaqatigiinnut ima sunniuteqartigisussaq inatsisartunut ilaasortat aaliangiinnerminni paaserusutatik tamakkersimallugit pissarsiarisimariaqaraat aalajangiinissamut toqqammaviusussat.

Inatsisissatut siunnersuut annertooujussuuvog inuiqatigiinnullu sunniutigipiluutigisinnaasai annertooujussuariaannaapput, taamaammat Partii Naleqqammit kaammattuutigissuarpur suliap ingerlaqqinnerani paasissutissat pisariaqartinneqartut aaliangernissamut tunngaviusussat amigaatigineqartut pissarsiarineqarsinnaaneri qulakkeerneqaaqqaassasut aalajangiinissamut toqqammaviusammata.

Inatsisissatut siunnersuut aaliangiiffigisassatut siunnersuut siullermeerneqarpoq aammalu aalajangiinnermi pisinnaatitsissummik tunniussinissaq annertooujussuuginnarani inuiaqatigiinni annertooujussuarmik kinguneqartitsisussaavoq, taamaammat pingaaruteqartorujussuuvog pitsaasumik suku-miisumillu toqqammaveqarluni aaliangernissamut toqqammaveqarnissaq.



Aalajangiiffigisassaq ima annertutigaaq nunatta oqaluttuarisaanerani aalajangiiffiit maannamut anner-sarissavaat, taamatut nutaamik mittarfiit ilusigaaneranni Nuummi aamma Ilulissani angisuunik marlunnik mittarfittaarnermi Nunatta karsiata aamma qularnaveeqqusiinernullu pisussaaffii tarmiusut mittarfiit takissutissaat siunnerfigineqartut aallaavigalugit 2022-imi 6 mia. koruunit tungaanut qaffassasut naatsorsuutigineqarpoq.

Taamaammat Partii Naleqqamiit aarleqqutigaarput nunap sinnerani sanaartornermut suli annerusumik sunniuteqapilussasoq.

2015-Naalackersuisoqatigiissimasut aalajangiinermi toqqamaavigisaat aallaavigissagaanni taamaallaat 2200-miiterisut takitigisut uani aalajangiiffiigisassami pineqarput, uanili pineqaratik mittarfiit naannerusut imminullu akilersinnaanerusut. Tamannalu toqqammavigalugu Partii Naleraq isumaqarpoq pineqartoq isummerfiginnginnerani ataatsimiititalianut marluusunut susasaqartunut misissortissallugu mittarfiit tamarmik 1199-miiterit inuiaqatigiinnut qanoq aningaasatigut kingunerisinnaasanik artukkiinnginnerusinnaasut ujartoqaarneqassannginnerusut isumaliuutigineqaaqqarsinnaannginnerusut ujartoqarpoq.

Partii Naleraq isumaqarpoq tamanut attuumassuteqanngitsumik misissuititsinissaq pissusissami-soortoq pisariaqartorlu.

Naalackersuisoqatigiinnissami isumaqatigiissummi 2018-iminngaannik 2022-imut allaqqasoqarpoq imaattumik *”Innuttaasut inoqarfiillu pisariaqartitaat naapertorlugit angallanneq assartuinerlu aaqqissuunneqassapput. Sumiffiit tamarmik angallannikkut periarfissaqarnissaat qulakkeerneqassaaq.”* Naalackersuisoqatigiinnissami isumaqatigiissutip takutippaa aaqqissuussineq aammalu pitsaanerpaaffimmut inissinneqassasoq, siunnersuutip saqqummiunneqartup tamanna tamakkiisumik qulakkeersimanngikkaa maluginiarparput, taamaattumillu ataatsimiititaliamut susasaqartumut ingerlatiinnarneqassasoq Partii Naleraq isumaqarpoq.

Nunatta iluani nunanullu allanut angallassineq assartuinerlu eqaatsoq nunatsinni aningaasatigut atugarissaarnernermut aqutissaavoq. Nunatta nunanik allanik niueqateqarnera annertusarniarlugu nunanik allanik silaannakkut angallannikkut assartuinikkullu anguniarneqassasoq Partii Naleraq isumaqarpoq.

Taamaattumik Partii Naleraq isumaqarpoq mittarfissualiornissat akornutissaqartinnagit, parlattuanik ataatsimiititaliami susasaqartuni misissuilluartoqarnissaa Partii Naleqqamiik kissaatigineqarmat, tamassumap qularnaatsumik isikkoqalersissammagu paasissutissat sukumiinerusut inatsisartut aalajangiiniarnermimi toqqammavissaatut qularnaarluarneqarniassammata.

Kangerlussuup aamma Narsarsuup ammannarnissaasa suliniutigiunissaat Partii Naleqqamiik aalajangiusimavarput. Taakkulu mittarfissualiortoqarnerani mittarfiit pineqartut siunissaat pillugu kommunit susasaqartut isumaqatigeqqissaarlugit pilersarusiorlugillu aalajangiisoqassasoq Partii Naleqqamiik aalajangiusimagatsigu.



partii naleraq

IIA 2018/21  
Nuuk 28. maj 2018  
Jens NapātōK´ Partii Naleraq

Partii Naleqqamiik pingartipparput qulaajarneqassasoq sineriammi silaannakkut kiffartuussineq ajorseriaateqanngitsumik aqqinneqarnissaa ataatsimiititaliani susasaqartuni qularnaarneqassasoq. Paasisat ilisimalikkallu naapertorlugit Ilulissat ukioq kaajallallugu mittarfissuurtut atorneqartarnissaa takornarissat minnerunngitsumik innuttaasut eqqarsaatigalugit kommuni susasaqartoq tamatuminnga suleqatigalugu ukioq kaajallallugu mittarfiup ammasarnissaa ataatsimiititaliami susasaqartuni eqqartorneqarnissaa avaqqunneqarsinnaanngilaq, taamaattumillu siunissami takorluukkanut ilanngunneqarnissaa kissaatiginarluni.

Partii Naleqqamiik soqutiginaruinnarparput massakkumut siunnersuutip taamatut isikkoqartillugu aningaasatigut inuiaqatigiinnut kingunerisinnaasai aammalu ilaasutigut assartuinikkullu iluaqutaasinnaassuseq misissorneqassasoq ataatsimiititalianut susasaqartunut marluusut kissaatigineqarmat.

Partii Naleqqamiik erseqqissumik oqaatigissavarput mittarfissualiornerit tunngaviatigut isumaqatigatsigit, paarlattuanik inuiaqatigiinnut aningaasatigut artukkiinnginnissaat pinaveersimatinneqartariaqartoq aammalu avannaani taavalu aamma minnerunngitsumik nunap sinneranut najugaqartunut ajornerusumik angallannikkut kinguneqannginnissaa qulakkeerneqassasoq.

Taamatut oqaaseqarluta ataatsimiititalianut susasaqartunut sukumiisumik peqqissaartumillu nalilersorneqaqqaarnissaa pingartikkipput Partii Naleqqamiik oqaatigissavarput.

Qujanaq

Jens NapātōK´